

周

禮

補

注

周禮釋注卷二

淮安山陽丁晏學

大卜掌三兆之灋注兆者灼龜發於火其形可占者其象似玉瓦原之豐罍是用名之焉釋文豐舊許鄭反沈一依聶氏音問云依字作豐豐玉之圻也龜兆文似之占人注同 案豐豐皆說文所無依字當作豐占人注圻兆豐也汲古閣本監本同余本作豐 方言秦晉器破而未離謂之豐廣雅豐裂也集韻二十二稊豐罍拆也豐玉破不離音並與豐同文選東京賦巨猾間豐薛綜注豐隙也古豐字亦書作豐 一曰連山二曰歸藏三曰周易注名曰連山似山出內氣

變也歸藏者萬物莫不歸藏於其中杜子春云連山宓戲  
歸藏黃帝 案孔穎達周易八論引鄭易贊及易論云連  
山者象山之出雲連連不絕歸藏者萬物莫不歸藏於其  
中王伯厚漢藝文志攷證引山海經云伏羲氏得河圖夏  
后因之曰連山黃帝氏得河圖商人因之曰歸藏與杜說  
合今山海經無此文

二曰躡夢注杜子春云躡讀爲奇偉之奇其字直當爲奇  
元謂躡讀如諸戎倚之倚 案莊子天下篇以躡偶不件  
之辭相應又不以躡見之也注躡與奇同小雅伐木倚矣  
孔疏倚者倚也謂以物倚其巔峰也漢書五行志匹馬躡

輪無反者服虔曰觥音奇偶之奇穀梁傳作匹馬倚輪方  
言倚奇也郭注奇偶古觥倚倚奇並聲近通借

三日咸陟注陟之言得也讀如王德翟人之德言夢之皆  
得周人作焉 案集韻二十五德陟得也周禮陟夢言夢  
之所得二十四職陟或作植古德字亦作惠故鄭讀如德  
其經運十注運或爲輝當爲輝是視祿所掌十輝也 案  
保章氏釋文運本又作暈音同集韻二十四燠輝暈日光  
炁也或作暈

則眡高作龜注作龜謂以火灼之以作其兆也春灼後左  
夏灼前左秋灼前右冬灼後右疏禮記中庸見於蒼龜動

於四體鄭注四體龜之四足春占後左夏占前左秋占前  
右冬占後右彼云占此云灼卽灼而占之亦一也 案鄭  
君所據疑古龜經之文初學記引三禮圖曰龜以上春灼  
後左夏灼前左秋灼前右冬灼後右疑卽鄭圖也

龜人天龜曰靈屬地龜曰繹屬東龜曰果屬西龜曰靄屬  
南龜曰獵屬北龜曰若屬各以其方之色與其體辨之注  
色謂天龜元地龜黃東龜青西龜白南龜赤北龜黑龜俯  
者靈仰者繹前弇果後弇獵左倪靄右倪若是其體也

案鄭氏所據疑亦古龜經之文釋魚作仰者謝爾雅釋文  
云眾家本作射古射字亦讀如繹也爾雅作左倪不類右

倪不若類雷聲相近賈疏謂不類卽雷一也不發語聲故鄭引之從省文墨子使翁難乙灼白若之龜初學記引雜書曰靈龜者元文五色神靈之精也又引柳隆龜經曰龜有五色依時用之青靈之龜者宜用之西坐東向赤靈之龜夏宜用之北坐南向與鄭云東龜青南龜赤合

華氏掌共燋契以待卜事凡卜以明火燹燋遂歛其燋契杜子春云燋讀爲細目燋之燋或曰如薪樵之樵謂所燹灼龜之木也故謂之樵燋讀爲英俊之俊書亦或爲俊元謂燋讀如戈鐻之鐻案說文火部燋所以然持火也从火焦聲引周禮以明火蒸燋也燋然火也从火交聲引周

禮遂籒其煖煖火在前以焯焯龜集韻四宵焦灼龜周禮  
掌共焦契李軌讀音與樵同二十二稭稜然火也音俊二  
十七悵煖祖寸切或作焯焯玉篇火部焯子與切火卽以  
聲近讀如鑄

簪人九簪之名一日巫更二日巫咸三日巫式四日巫目  
五日巫易六日巫比七日巫祠八日巫參九日巫環注此  
九巫讀皆當爲筮字之誤也 案說文竹部筮易卦用著  
也从竹彳彳古文巫字

占夢以日月星辰占六夢之吉凶一日正夢二曰噩夢三  
曰覺夢四曰庸夢五日喜夢六曰懼夢釋文夢本又作臆

音同 案說文寤寐而有覺也从宀从夂夢聲周禮以日月星辰占六寤之吉凶一曰正寤二曰噩寤三曰思寤四曰悟寤五曰喜寤六曰懼寤九經字樣寤夢上寤寐見周禮是周禮本作寤今作夢者後人改也

眠禮三日鑄注元謂鑄讀如童子佩鑄之鑄謂日旁氣刺日也 案今詩作觶集韻十二齊鑄日旁氣刺日觶角錐可用解結通作鑄

七日彌注故書彌作迷 案彌迷聲相近小祝注彌讀曰救救安也男巫注彌讀爲救字之誤也

九日隋注鄭司農云隋者升氣也元謂隋虹也詩曰朝隋



于西 案毛傳齊升與先鄭同鄭訓爲虹注禮時未見毛詩疑据三家詩也

大祝一曰順祝二曰年祝三曰吉祝四曰化祝五曰瑞祝六曰筮祝注鄭司農云順祝順豐年也年祝求永貞也吉祝祈福祥也化祝弭災兵也瑞祝逆時雨寧風旱也筮祝違罪疾 案蔡邕獨斷大祝掌六祝之辭順祝願豐年也年祝求永貞也告祝祈福祥也化祝弭災兵也瑞祝逆時雨寧風旱也筮祝違罪病也義本先鄭

掌六祈以同鬼神示注祈嗷也謂爲有災變號呼告於神以求福 案說文口部嗷聲嗷嗷也从口臬聲集韻三十

四嘯叫噪同吉弔切

三曰炮祭注炮字當爲包聲之誤也 案炮包聲相近易

繫辭曰古者庖犧氏之王天下也釋文作包鄭本亦作包  
漢書律志作炮犧氏注炮與庖同

辨九擗一曰稽首二曰頓首注稽首拜頭至地也頓首拜  
頭叩地也 案說文手部擗首至地也从手舉古文從二  
手作拜揚雄說從兩手作琴省部譜下首也从省省聲荀  
子大畧篇平衡曰拜下衡曰稽首至地曰稽顙釋元應四  
分律音義稽首字詁古文譜首同白虎通曰所以稽首何  
稽至也言頭至地三蒼稽首頓首也引周禮大祝辨九拜

一曰誦首又維摩詰所說經音義稽首古文誦同蒼頡篇云稽首頓首也周禮分稽首頓首爲二三蒼合爲一非也四曰振動注鄭大夫云動讀爲董書亦或爲董振董以兩手相擊也 案集韻一董動振動拜也以兩手相擊而拜一曰今倭人拜以兩手相擊蓋古之遺法

九曰肅擗注肅拜但俯下手今時擗是也 案說文手部擗擗擗下手也从手壹聲玉篇手部擗拜舉手下手左傳成十六年敢肅使者杜注肅手至地若今擗正義曰晉宋儀注貴人待賤人賤人拜貴人擗釋文擗伊志反揖也字林云舉手下首也文選西征賦率軍禮以長擗李善注引

說文撻拜舉手下也因利切

大史讀禮書而協事注故書協作叶杜子春云叶協也書亦或作協或爲汁案大行人協辭命注故書協辭命作叶詞命先鄭云叶當爲汁書或爲叶辭命大戴禮朝事作叶辭命鄉士協日刑殺釋文作汁日云本亦作協說文劦部協从劦古文从口十作叶或从日作叶方言協汁也自關而東曰協關西曰汁堯典曰協時月白虎通引作叶洪範協用五紀漢書五行志引作叶應劭曰叶合也文選西京賦五緯相汁李善注引方言汁叶也漢樊敏碑汁洽隸釋云爾雅西漢淮南歲在未皆作協洽史記天官書作

叶洽歷書亦作協洽又作汁洽史晨碑云汁光之精卽黑  
帝叶光紀也此作汁洽其音與協同

保章氏以五雲之物辨吉凶水旱降豐荒之祲象疏案青  
爲蟲以下蓋據陰陽書得知 案初學記雲類引東方朔  
傳凡占長吏東畔當視天有黃雲來如覆車五穀大熟青  
雲致兵白雲致盜烏黑雲多水赤雲有火

巾車樊纓十有再就注樊讀如鞞帶之鞞謂今馬大帶也  
鄭司農云纓謂當曾士喪禮下篇曰馬纓三就禮家說曰  
纓當曾以削革爲之三就三重三匝也元謂纓今馬鞞疎  
買馬亦云鞞纓馬飾在膺前十有二匝以毛牛尾金塗十

二重 案賈逵馬融說爲纓馬飾蓋讀樊爲緜說文糸部  
緜馬髦飾也从系每引春秋傳曰可以稱旌緜乎或作縹  
許君從賈侍中受古學其義亦同禮記作繁纓文選東京  
賦咸龍旂而繁纓李善曰繁與鞞古字通釋名鞞其下飾  
曰樊纓其形樊樊而上屬纓也續漢書輿服志注引傅元  
乘輿馬賦繁纓飾以旄尾金塗十二重與馬賈義合先鄭  
引禮今既夕文鄭目錄云既夕士喪禮之下篇也

鉤樊纓九就注故書鉤爲拘杜子春讀爲鉤 案左傳哀  
二十五年請適城鉏以鉤越釋文本或作拘曾子問注又  
以繩從兩旁鉤之釋文本又作拘莊子徐無鬼篇上且鉤

乎君釋文鉤亦作拘史記周本紀弓撥矢鉤戰國策作拘  
古鉤拘通用

前樊鵠纓注前讀爲緇翦之翦翦淺黑色也杜子春云鵠  
或爲結 案釋言翦齊也說文刀部翦齊斷也从刀弄聲  
古翦字本作前故鄭讀爲翦翦淺通用詳見儀禮釋注賈  
疏引馬氏云前樊結纓與杜氏所言合

厭翟注厭翟次其羽使相迫也 案說文厂部厭竿也竹  
部竿者迫也鄭以厭爲迫

翟車注如今駟車是也 案續漢書輿服志駟車注引字  
林曰駟車有衣蔽無後轅者謂之輜也釋名駟屏也四屏

蔽婦人乘牛車也有邸曰輜無邸曰駟

有翼羽蓋注故書翼爲駟杜子春云當爲翼書亦或爲駟  
釋文駟駟並音獵駟或音毛 案集韻二十九葉駟駟車  
翼以禦風塵也或作駟力涉切

蒲蔽注鄭司農云蒲蔽謂羸蘭車以蒲爲蔽天子喪服之  
車漢儀亦然疏此舉漢時有羸長蘭乘不善之車故舉以  
說之也 案集韻三十四果羸蘭車名喪服所乘續漢書  
與服志小使車蘭輿赤轂此謂追捕考案有所勅取者之  
所乘也

疏飾小服皆疏注故書疏爲摭杜子春讀摭爲沙 案疏



摺聲相近古多通用典瑞注亦云疏讀爲沙

然禛注然果然也疏賈氏亦云然獸名也 案文選吳都賦狄麕果然騰趨飛超注引異物志曰猓然猿狄之類居樹色青赤有文曰南九真有之玉篇犬部猓古火切猓然獸廣韻二仙猓猓猓獸名似猿白質黑文

髻飾注故書髻爲鞞杜子春云鞞讀黍垞之黍直謂髻黍也釋文鞞音次 案集韻六至鞞七四切以髻飾車也又髻以漆塗器或作髻練漆並與鞞音同古次漆聲近通用故杜君讀鞞爲黍潛夫論釋難篇次室倚立而嘆嘯續漢郡國志蘭陵有次室亭章懷注列女傳漆室之女或作次

室

漆車注漆車黑車也

案鐘鼎欵識周牧敦銘云金車漆

車畫軒

大夫乘墨車注墨車不畫也

案釋名釋車墨車漆之正

黑無文飾大夫所乘也

歲時更續注故書更續爲受讀

案燕禮注古文更爲受

左氏昭二十九年傳以更豕韋之後史記更作受

司常師都建旗

案說文於部旗从於其聲引周禮率都

建旗聘禮注古文帥皆作率今作師都者帥之誤也

道車載旄旒車載旌

案說文於部旌導車所載全羽以

爲允允進也从从遂聲或从遺作旄旌游車載旌析羽注  
旄首也所以精進士卒也从从生聲

凡以神仕者致地示物彪注百物之神曰彪 案說文鬼  
部彪老精物也从鬼彡彡鬼毛或作魅

夏官

司勳注故書勳作勛鄭司農云勛讀爲勳 案說文力部  
勳古文作勳

遼師注遼地之廣平者 案說文辵部遼高平之野人所  
登从辵备彖闕大司徒原隰注高平曰原釋文原本又作  
遼廣韻二十二元說文本作遼五經文字云遼古原字見

周禮

大司馬暴內陵外則壇之注壇讀如同墀之墀 案詩東門之墀釋文作壇云音墀依字當作墀曲禮踰竟爲壇位壇音善左氏襄二十八年舍不爲壇正義引服虔云除地爲墀古壇墀多通用

乃以九畿之籍注故書畿爲近鄭司農云近當言畿 案爾雅幾近也易小畜上九月幾望子夏作近中孚六四月幾望京房作近詩維其幾矣箋幾近也史記留侯世家幾敗而公事索隱曰幾音祈近也

中夏教芟舍注芟讀如萊沛之沛 案芟沛聲相近毛詩

武王載旆說文引作坡是其例也

羣吏撰車徒注撰讀曰算算車徒謂數擇之也 案易繫辭雜物撰德釋文撰鄭本作算古撰算通用

三鼓撻鐸鄭司農云撻讀如弄元謂如豕鹿之鹿掩上振之爲撻撻者止行息氣也 案五經文字云撻音鹿振之也廣韻一屋撻振也引鄭云掩上振之爲撻盧谷切集韻一送撻搖也周禮撻鐸鄭司農讀盧貢切

徒銜枚而進注枚如箸銜之有繒結項中軍法止語爲相疑惑也 案漢書高帝紀章邯夜銜枚擊項梁定陶師古

曰銜枚者止言語謹嚴欲令敵人不知其來也周官有銜

枚氏枚狀如箸橫銜之縷結于項縷者結礙也絜繞也蓋  
爲結紐而繞項也文選吳都賦銜枚無聲

鼓皆駮注疾雷擊鼓曰駮 案文選西京賦駮雷鼓李善  
注引周禮鼓皆駮鄭曰雷擊鼓曰駮駮與駮同

車徒皆課注課謹也書前師乃鼓鼗課 案毛詩大明疏  
引太誓曰師乃鼓譟鄭所引者今文泰誓也

羊人凡沈辜侯禳鬻積注積故書爲毗鄭司農云毗讀爲  
漬 案積毗聲相近小雅毛傳柴積也說文作朶積也集  
韻五寘毗亦作殞是其例也

司燿四時變國火以救時疾注鄭司農說以鄒子曰春取

榆柳之火夏取棗杏之火季夏取桑柘之火秋取柞櫨之火冬取槐檀之火疏先鄭引鄒子書論語注引周書不同者鄒子書出於周書其義是一言春取榆柳之等舊師皆以爲取五方之色同故用之 案論語馬融注周書月令有更火之文春取榆柳之火夏取棗杏之火季夏取桑柘之火秋取柞櫨之火冬取槐檀之火邢疏周書有月令篇其辭今亡又引周禮先鄭說釋者曰榆柳青故春用之棗杏赤故夏用之桑柘黃季夏用之柞櫨白故秋用之槐檀黑故冬用之卽賈氏所謂舊師說也漢藝文志陰陽家鄒子四十九篇鄒子終始五十六篇鄒衍所說鄒與鄒同鄒

子言陰陽之占沿用逸周書文也

環人掌致師注春秋傳曰御下擗馬掉鞅而還疏擗猶飾也釋文擗音兩又音亮 案左傳宣十二年作兩馬杜注兩飾也正義曰兩飾服虔亦云是相傳爲然也釋文兩馬徐云或作擗集韻三十六養擗飾也引春秋傳御下擗馬射人九節五正注畫五正之侯中朱次白次蒼次黃元居外三正損元黃二正去白蒼而畫以朱綠其外之廣皆居侯中參分之一中二尺今儒家云四尺曰正二尺曰鵠鵠乃用皮其大如正此說失之矣 案毛詩賁之初筵正義引賈逵周禮注四尺曰正正五重鵠居其內而方二尺以



爲正正大於鶴鶴在正內鄭君稱儒家四尺曰正指賈侍  
中說也司裘注鄭司農云方十尺曰侯四尺曰鶴二尺曰  
正四寸曰質詩疏又引周禮鄭衆馬融注十尺曰侯四尺  
曰鶴二尺曰正四寸曰質毛詩猗嗟傳云二尺曰正鄭君  
云中二尺義與毛公先鄭馬君同

服不氏賓客之事則抗皮注抗讀爲亢其讎之亢 案抗  
从亢聲梓人故抗而射汝大戴禮作亢

射鳥氏則以并夾取之注并夾鉞箭具釋文鉞其炎反沈  
云或作鈞 案文選東京賦并夾旣設儲乎廣庭薛綜注  
并夾鉞矢者司弓矢注夾矢箭也說文箭箝也

方相氏歐方良注方良罔兩也國語曰木石之怪夔罔兩  
案今國語作蝸蝓也史記孔子世家作罔闐卽方良之  
異文左傳宣三年杜注罔兩水神疏引賈逵注罔兩罔象  
言有夔龍之形而無實體釋文引說文云罔兩山川之精  
物也廣韻二十六養蝸蝓亦作魍魎文選東京賦腦方良  
薛綜注方良草澤之神也腦陷其頭也張平子此賦說方  
相大儼之事是用周禮文選注未之引也

隸僕掌五寢之埽除糞洒之事注洒灑也鄭司農云洒當  
爲灑案毛詩弗洒弗埽傳洒灑也說文水部洒古文以  
爲灑掃字

掌蹕宮中之事注鄭司農云蹕謂止行者清道若今時儼蹕釋文儼字又作警案說文走部趕止行也大司寇釋文趕本亦作蹕漢書梁孝王傳出稱警入言蹕師古曰警者戒肅也趕止行人也言出人者互文耳出亦有趕漢儀注皇帝輦動左右侍帷幄者稱警出殿則傳蹕止人清道也崔豹古今注警蹕所以戒行徒也周禮蹕而不警秦制出警入蹕謂出軍者皆警戒入國者皆蹕止也

弁師璿玉三采注故書璿作璿鄭司農云璿惡玉名疏許氏說文云璿三采玉從玉無聲以其三采又非璵璠故云惡玉名也說文又云珉石之美者從玉民聲釋文璿本又

作珉 案聘義敢問君子貴玉而賤珉何也注磻石似玉者荀子法行篇作珉漢書司馬相如傳琳珉昆吾張揖曰珉石之次玉者也古惡亞通用亞次也先鄭云惡玉謂石之次玉者也

司兵掌五兵五盾注鄭司農云五兵者戈殳戟酋矛夷矛案月令習五戎注五戎謂五兵弓矢殳矛戈戟

司弓矢王弓弧弓以授射甲革楛質者夾弓庾弓以授射豨侯鳥獸者唐弓大弓以授學射者使者勞者釋文庾師儒相傳讀庚本或作庾 案說文弓部引周禮六弓同楛質作甚質豨侯作干侯古字省文弧从弓瓜聲一曰往體

寡來體多曰弧弓弓人云夾曳之屬庾从曳聲師儒讀庚者形之誤也

凡弩夾庾利攻守唐大利車戰野戰 案說文弩弓有臂者从弓奴聲引周禮四弩夾弩庾弩唐弩大弩

枉矢絜矢注枉矢者取名變星飛行有光今之飛矛是也疏翰人云弧旌枉矢以象弧也孝經援神契云枉矢射隱考異郵曰枉矢精狀如流星蛇行有尾見天文志曰枉矢狀大流星是其妖變之星行時有光 案方言箭其三鏃

長尺六

一作六尺

者謂之飛蚤注此謂今射箭也文選閒居賦

激矢蚤飛李善注引東觀漢記光武作飛蚤箭以攻赤眉

飛壘卽飛矛也

殺矢鏃矢注鏃言候也 案爾雅釋器云金鏃翦羽謂之鏃郭注今之鏃箭是也行葦云四鏃旣均毛傳鏃矢參亭卽矢人之鏃矢參分一在前二在後也旣夕禮云彘矢一乘注彘猶候也候物而射之矢也方言云箭自關而東謂之矢江淮之間謂之鏃關西曰箭

矰矢莛矢用諸弋射注結繳於矢謂之矰矰高也 案說文矢部矰雉射也從矢曾聲史記索隱引馬融注繳繫短矢謂之矰鄭君亦同師說

恒矢庫矢注恒矢之屬軒輶中所謂志也鄭司農云庫矢

讀爲人罷短之罷疏旣夕記志一乘軒轡中是也 案爾雅釋器骨鏃不翦羽謂之志郭注今之骨髀是也方言云薰熈短也桂林之中謂短熈說文痺短人立痺痺也犬部獬短脛狗也爾雅擺牛注擺牛庫小庫罷聲相近後漢馬融傳注擺亦掉字也

圉師夏庠馬注故字庠爲訝鄭司農云當爲庠元謂庠廡也廡所以庇馬涼也 案說文庠廡从广牙聲引周禮夏庠馬依鄭司農作庠許君從賈逵受古學逵與先鄭俱受學於杜子春淵源本一故說文所引周禮多與先鄭同釋名云大屋曰廡并冀人謂之庠庠正也屋之正大者也

職方氏其浸五湖注五湖在吳南浸可以爲陂灌溉者  
案說文水部湖大陂也从水胡聲揚州澆有五湖澆川澤  
所仰以灌溉者也漢書地理志作濼曰五湖師古曰濼古  
浸字也浸謂引以灌溉者五湖在吳

其澤藪曰雲菅注雲菅在華容 案逸周書職方作雲夢  
說文藪字注亦作夢漢地理志南郡華容雲夢澤在南荆  
州藪史記夏本紀稱雲夢土爲治索隱曰夢一作菅漢書  
叙傳子初生棄於菅中師古曰菅雲夢澤也菅與夢同廣  
韻一送菅雲夢澤在南郡亦作夢

其浸潁湛注潁出陽城宜屬豫州在此非也湛未聞杜子



春云湛讀當爲人名湛之湛湛或爲淮 案說文潁潁水出潁川陽城乾山東入淮豫州浸漢地理志顏注潁水出陽城陽乾山宜屬豫州許慎又云湛水豫州浸竝未詳也許說見說文湛字注水經汝水篇酈注云湛水出犍縣北魚齒山西北東南流歷魚齒山下爲湛浦方五十餘步春秋襄公十六年戰於湛阪蓋卽湛水以名阪湛水又東南逕蒲城北京相璠曰昆陽縣北有蒲城蒲城北有湛水者是也湛水又東於汝水九曲北東入汝杜預亦以是水爲湛水矣周禮荊州其浸潁湛鄭云未聞蓋偶有不照也今考地則不乖其土言水則有符經文矣

其浸波滢注春秋傳曰楚子除道梁滢營軍臨隨則滢宜屬荊州在此非也 案漢志顏注滢水在楚亦不當爲豫州浸也說文滢滢水在漢南荊州浸也與鄭說同

其山鎮曰沂山注沂山沂水所出也在蓋 案漢志顏注沂山在蓋縣卽沂水所出也說文沂水出東海費東西入泗从水斤聲一曰沂水出泰山蓋青州浸後說卽鄭氏所本也

其澤藪曰望諸注望諸明都也 案說文艸部藪字注九州之藪青州孟諸漢志亦作孟諸師古曰孟諸卽盟豬也古孟明盟聲近通用

其浸沂沐注沐出東莞鄭司農云沐或爲洙 案說文沐  
沐水出青州浸从水木聲漢地理志琅邪郡東莞術水南  
至下邳入泗師古曰術水卽沐水也音同東莞今山東沂  
州府沂水縣治西北東莞故城是也沐術聲相近

其浸盧維注盧維當爲雷雍字之誤也禹貢曰雷夏既澤  
雍沮會同雷夏在城陽 案周書職方解作盧維釋文唐  
石經同今本作盧誤也漢地理志作盧濰師古曰盧水在  
濟北盧縣鄭康成讀曰雷非也漢志琅邪郡箕注禹貢維  
水北至昌都入海過郡三行五百二十里兗州濰也說文  
濰濰水出琅邪箕屋山東入海徐州浸班許皆讀如本字

與鄭說異水經注漢封劉豨爲盧縣侯國漢書王子侯表作雷侯豨古盧雷聲近通用故鄭讀从之小顏輒斥以爲非何也

其澤藪曰弦蒲注在汧鄭司農云弦或爲汧蒲或爲浦

案說文藪字注離州弦圃漢志汧縣北有蒲谷鄉弦中谷雍州藪風俗通云弦蒲在汧縣北蒲谷亭

其浸渭洛注洛出懷德 案說文渭渭水出隴西首陽渭首亭南谷東南入河離州澧洛水出左馮翊歸德北夷畎中東南入渭

其澤藪曰獫狁注獫狁在長廣杜子春讀獫爲奚 案漢

志琅邪郡長廣注奚養澤在西說文藪字注幽州奚養班許皆从杜讀爲奚

其浸番時注時出般陽 案小顏亦云時出般陽漢志屬濟南郡應劭曰在般水之陽

其澤藪曰楊紆注楊紆所在未聞 案漢志顏注爾雅云秦有楊紆而此以爲冀州未詳其義及所在今釋地作秦有楊陔郭注今在扶風汧縣西釋文孫於子反郭烏花反本或作紆字非也呂氏春秋有始覽云秦之陽華高誘注陽華在鳳翔或曰在華陰西淮南子陸形訓云秦之陽紆高注在馮翊池陽一曰具圃續漢郡國志宏農郡華陰劉

昭注引呂覽秦之陽華扶風汧注引爾雅秦有楊紆分爲  
二地迄無定論惟鄭君闕疑得之

其川漳注漳出長子 案漢志上黨郡長子鹿谷山濁漳  
水所出東至鄴入清漳

其浸汾潞注潞出歸德 案顏注潞出歸德說文潞冀州  
浸也上黨有潞縣从水路聲水經濁漳水注闕駟曰有潞  
水爲冀州浸卽漳水也酈道元曰無他大川可以爲浸所  
有巨浪長湍惟漳水耳故世人亦謂濁漳爲潞水矣與鄭  
說不同

其澤藪曰昭餘祁注昭餘祁在鄆 案漢志太原郡鄆九

澤在北是爲昭餘祁并州蘇爾雅釋地燕有昭余祁郭注  
今太原鄆陵縣北九澤是也淮南子稱燕之昭余古余餘  
通用

其川虜池嘔夷注嘔夷祁夷與出平舒 案漢志代郡平  
舒下祁夷水北至桑乾入沽顏師古亦云嘔夷出平舒與  
鄭說同又前漢志靈邱下澠河東至文安入大河過郡五  
行九百四十里并州川說文水部澠水起北地靈邱東入  
河从水寇聲澠水卽漚夷水并州川也水經澠水出代郡  
靈邱縣高氏山注卽漚夷之水也漚嘔聲近通用班許及  
鄭注並以澠水爲漚夷與鄭說不同

秋官

翬氏注翬鳥翮也鄭司農云翬讀如爲翹翼之翹

俗本翹作翹

案說文羽部翬鳥之彊羽猛者從羽是聲廣韻五寘翬鳥翮音與翹同

柞氏注鄭司農云柞讀爲音聲喑喑之喑屋竿之竿 案考工記注先鄭云柞讀爲迫喑之喑典同注杜子春竿讀爲行扈喑之喑後鄭謂聲迫竿出去疾也爾雅釋鳥行扈喑喑郭注諸扈皆因其毛色音聲以爲名釋宮屋上薄謂之窕郭注屋竿說文竿迫也在瓦之下笄上集韻二十陌喑聲也柞除木曰柞並音柞



若族氏注鄭司農云若讀爲擿族讀爲爵族之族謂巢也  
元謂若古字從石折聲 案說文石部若上摘山巖空青  
珊瑚墮之从石折聲周禮有若族氏文選吳都賦若陟山  
谷劉涓子注言其如若擿而陟落山谷者廣韻十七薛若  
擿也故先鄭讀爲擿音義相兼也曾與雀同賈疏謂爵族  
是雀窠說文艸部族行蠶蓐也从艸族聲蠶蓐謂之族雀  
巢亦謂之族皆謂族湊相聚之義也

赤友氏注赤友猶言抹拔也主除虫豸自理者疏抹拔除  
去之也 案說文手部抹裂也从手赤聲鬼部魅字注周  
禮有赤魅氏除牆屋之物也疑本賈侍中說

壺涿氏注涿擊之也故書涿爲獨鄭司農云獨讀爲濁其  
源之濁音與涿相近書亦或爲濁 案說文木部椽擊也  
支部殺擊也故涿亦訓爲擊涿濁獨並聲相近以聲類求  
之若椽一作斲啄一作囁是其例也

大司寇以邦成弊之注故書弊爲慙鄭司農云慙當爲弊  
案方言慙惡也郭注慙怱急性也列子力命篇曄咍慙  
慙釋名驚慙也性急慙不可生服必自殺也後漢董卓傳  
敝腸狗態續漢書敝作慙司弓矢鄭注弊猶惡也古敝弊  
慙聲近通用

使其屬蹕注故書蹕作避杜子春云避當爲辟謂辟除姦

人也元謂蹕止行也 案小司寇前王而辟先鄭云爲王道辟除姦人士師王燕出入則前驅而辟後鄭云道王且辟行人孟子行辟人可也趙注辟除人使卑辟尊可爲也故杜君讀避爲辟

士師五曰擣邦令注稱詐以有爲者釋文擣音矯 案說文手部擣舉手也从手喬聲一曰擣擅也漢書武帝紀詔殊路而擣虔孟康曰虔固也矯稱上命以貨賄用爲固師古曰擣與矯同高五王傳矯制以令天下師古曰矯託也託天子之制詔也擣音矯荀子臣道篇率羣臣百吏而相與彊君擣君楊注擣與矯同

洎發水注洎謂增其沃汁釋文洎音冀 案說文水部洎  
灌釜也从水自聲左傳襄二十八年去其肉而以其洎饋  
正義曰洎者添釜之名

鄉士三公若有邦事注若今時三公出城郡督郵盜賊道  
也 案文選馬融長笛賦序而爲督郵無留事注引韋昭  
釋名曰督郵主諸縣罰負殿糾攝之也

朝士則令邦國都家縣鄙慮刑貶注故書慮爲憲杜子春  
云憲謂幡書以明之 案說文序六曰鳥蟲書所以書幡  
信也崔豹古今注信幡古之徽號也所以題表官號以爲  
符信故謂爲信幡也漢書鮑宣傳博士弟子王咸舉幡太

學下曰欲教鮑司隸者會此下

司約書於丹圖注今俗語有鐵券丹書豈此舊典之遺言  
案漢書高帝紀又與功臣剖符作誓丹書鐵契金匱石  
室鄭君所言漢法也

職金楊而璽之注今時之書有所表識謂之楊槩 案蜡  
氏注若有死於道路者則令埋而置楊焉先鄭云楊欲令  
其識取之今時楊槩是也漢書酷吏傳瘞寺門桓東楊著  
其姓名顏注楊杙也椽杙於瘞處而書死者名也說文木  
部揭楊槩也从木曷聲引春秋傳揭而書之今傳無此文  
疑引周禮楊而璽之也廣雅楊槩杙也廣韻九魚槩楊槩

有所表識釋元應四分律音義引說文楊槩杙也周禮云  
楊而書之也是說文本引周禮今作春秋傳傳寫誤也  
則共其金版注餅金謂之版 案釋器云餅金謂之鈹郭  
注周禮曰祭五帝卽供金鈹是也釋文鈹本亦作版藝文  
類聚引爾雅餅金作餅金

野廬氏凡道路之舟車擊互者注舟車擊互謂於迫隘處  
也車有輾轅坻闌舟有砥柱之屬 案說文車部擊車轄  
相擊也从車般般亦聲引周禮舟車擊互者穀梁昭八年  
傳御擊者不得入范萐集解擊柱則不得入門釋文擊劉  
兆云柱也本或作擊

蜡氏掌除骹注曲禮四足死者曰漬故書骹作脊鄭司農云脊讀爲殯謂死人骨也月令曰掩骼埋胔骨之尚有肉者也案公羊莊二十年傳大瘡也曲禮注引作大漬史記劉敬傳徒見羸瘡老弱漢書瘡作胔漢食貨志國無捐瘡孟康曰肉腐爲瘡蘇林曰瘡音漬後漢彭城靖王泰傳毀背過禮卽毀瘡也羊人注積故書爲骹先鄭云骹讀爲漬玉篇歹部殯病也獸死也義與胔同說文骹部骹或作

齒

雍氏注伯禽以出師征徐戎釋文徐劉本作郟音徐案說文郟郟下邑地从邑余聲魯東有郟城讀若塗

司寤氏掌夜時注夜時謂夜晚早若今甲乙至戊 案衛  
宏漢舊儀晝漏盡夜漏起省中黃門持五夜注晝有朝禺  
中晡夕夜有甲乙丙丁戊

司烜氏掌以夫遂取明火於日注夫遂陽遂也 案說文  
金部鐻陽鐻也从金隊聲釋元應魔逆經音義陽燧古文  
作鑿燧二形今作燧聲類或作燧同取火者也鑿五石之  
銅精也圓以向日卽得火也

條狼氏掌執鞭以趨辟注趨辟趨而辟行人若今卒辟車  
之爲也 案續漢輿服志大使車立乘駕駟辟車四人注  
引滌狼氏干寶注曰今卒辟車之屬義本鄭氏



羅氏秋繩而變之注含實曰繩 案惠棟曰釋文繩音孕  
繩當爲麗字之誤也管子五行篇麗婦不銷弃注麗古孕  
字太元馴首云媿其膏人一月而膏媿與麗同玉篇麗或  
孕字晏案釋元應一切經音義第二十五孕古文麗字含  
實曰孕惠說得之

赤女氏除其狸蟲注狸蟲廕肌蛛之屬釋文肌求本或作  
蛛音求劉音俱 案說文蟲部蠓蟲也从虫庶聲虻部蠓  
多足蟲也从虻求聲或作蚤方言蟻宋魏之間謂之蜚南  
楚之外謂之蠓蟻或謂之蠓郭注卽蝗也集韻四十禡蠓  
蟲名一曰蝗類或書作廕之夜切十虞蛛肌蛛蟲名或作

求恭于切與劉昌宗音合

蝸氏掌去鼃鼃注齊魯間謂鼃爲蝸鼃耿鼃也 案釋魚

鼃鼃蟾諸在水者鼃郭注耿鼃也似青蛙大腹一名土鴨  
壺涿氏則以牡樺午貫象齒而沈之注故書樺爲樺杜子  
春云樺當爲樺樺讀爲枯枯榆木名 案樺樺形相近樺  
枯聲相近釋文無姑其實夷郭注枯榆也易大過枯楊生  
稊釋文鄭音姑謂無姑山榆急就篇顏注無夷一名樺榆  
五經文字云樺音枯榆木之一名

庭氏則以救日之弓與救月之弓射之注於日食則射太  
陰月食則射太陽與 案太平御覽引馬融傳救日食則

伐鼓北面體太陰救月食則伐鼓南面體太陽以此弓此矢射之鄭君亦同師說

大行人殷覲以除邦國之慝 案大戴朝事作殷眺

歸賑以交諸侯之福 案朝事交作教

致禴以補侯之裁 案朝事禴作會

以九儀辨諸侯之命 案朝事辨作別古字通用

建常九旒 案朝事作九旒下同此注引朝士儀古士事

通用

小行人爲承而擯注承猶丞也 案聘禮大夫爲承擯大戴禮朝事作丞擯古承丞通用

若國有旤裁 案朝事作禍災

掌客車三秬注秬讀爲秬秬麻苔之秬 案說文艸部苔  
小禾也从艸合聲廣雅小豆苔也秬秬麻苔語以相類成  
文

掌訝次於舍門注次如今官府門外更衣處 案續漢書  
祭祀志上日中後到山上更衣志下注引漢舊儀曰皇帝  
出卽更衣

冬官

考工記

審曲面執 案續漢輿服志注引作審曲面勢

坐而論道謂之王公注天子諸侯 案北堂書鈔五十引  
古周禮說天子立三公曰太師太傅太保故曰坐而論道  
謂之三公是古本作三公鄭以天子釋王以諸侯釋公鄭  
本作王公

秦無廬注廬讀爲纏謂矛戟柄竹櫛秘或曰摩鋤之器疏  
摩鋤之器者但柄須摩鋤使滑釋文廬本亦作簠 案後  
注廬矛戟矜秘也國語侏儒扶廬說文竹部簠積竹矛戟  
矜也从竹廬聲引春秋國語曰侏儒扶簠木部秘櫛也櫛  
積竹杖也又方言云希鑠摩也燕齊摩銘謂之希卽鄭所  
云摩鋤也玉篇金部鑠錯也銘同上集韻九御鑠銘鋤引

說文錯銅鐵也或从呂从閭磬氏先鄭注云磨鑣其旁大雅抑箋云玉之缺可磨鑣而平卽磨銅也

鸛鶴不踰濟注鸛鶴鳥也春秋昭二十五年有鸛鶴來巢案說文鳥部鸛鶴也古者鸛鶴不踰沛鄭引鸛鶴正與說文合今左氏傳作鸛鶴公羊傳作鸛鶴山海經郭注云鸛鶴鸛鶴也漢書地理志沛河惟兗州師古曰沛本濟水之字从水沛聲又浮於沛潔達於沛今禹貢皆作濟

搏埴之工二注搏之言拍也疏以手拍黏土以爲培乃燒之釋文搏李音團劉音博案搏拍聲相近釋名拍搏也以手搏其上也當依劉昌宗音與鄭注合余本嘉靖本葛

本毛本俱作搏是也今本多从專其誤始於李軌唐石經因之當以鄭注爲正

鮑注鮑讀爲鮑魚之鮑書或爲鞞蒼頡篇有鞞莖案說文革部鞞柔革工也从革包聲讀若朴周禮曰柔皮之工鮑氏鞞卽鮑也鞞部柔革也从北从皮省从覓省讀若奕一曰若備集韻二十八獾莖莖鞞同

鞞注鄭司農云鞞讀爲歷運之運案說文革部鞞攻皮治鼓工也讀若運或作鞞與司農讀同許君从賈侍中受古學賈與先鄭源出杜子春故其說多同

瓶注瓶讀爲甫始之甫案說文瓦部瓶周家搏埴之工

也从瓦方聲讀若扱破之扱五經文字云旃甫罔反見考  
工記今本作旃誤釋文作旃與許君合

車軫四尺注軫輿後橫木 案說文車部軫車後橫木也

方言軫謂之枕

無以爲戚速也注齊人有名疾爲戚者春秋傳曰蓋以操  
之爲已蹙矣速疾也書或爲數 案戚蹙通用釋名釋兵  
戚蹙也楚辭九辯悲夏窮戚兮獨處廓文選作蹙集韻二  
沃促或作戚弓人注故書速或作數鄭司農云从速速疾  
也曾子問不知其已之遲數注數讀爲速樂記衛音趨數  
煩志注趨數讀爲促速聲之誤也祭義其行也趨趨以數



注數之言速也又漢書賈誼傳淹速之度語余其期史記作淹數徐廣曰數速也 又案記多齊語下注齊人之言

終古猶言常也先鄭云泰山平原所樹立物爲蕃聲如菴

廬人注齊人謂柯斧柄爲柶弓人注菱讀如齊人名手足

擊爲骹之骹玉人賈疏齊人謂椎爲終葵山以章注讀爲

獐揚子方言速疾也東齊海岱之間曰速此記云臧速注

速疾也亦齊人語公羊莊十二年注脰脰也齊人語梓人

云願脰亦齊語也或疑考工記齊人爲之

獐下補齊人謂廩爲獐

加軫與鞮焉注鄭司農云鞮讀爲旃僕之僕謂伏兔也

案說文鞮車伏兔也从車美聲引周禮曰加軫與鞮焉

輪人牙也者以爲固抱也注鄭司農云牙謂輪輅也世間  
或謂之罔書或作輅 案說文木部枅一曰車輞會也史  
游急就篇輻輳輅輅輅輅輅顏注輅車輞也關西謂之輅  
言其柔曲也釋名輞罔也罔羅周輪之外也關西曰輅言  
曲輅也

欲其掣爾而纖也注鄭司農云掣讀爲紛容掣參之掣元  
謂如桑螵蛸之蛸疏讀從爾雅釋蟲螿蝗螟螻蛸竝取音同  
也 案困學紀聞云卽上林賦紛容節參說文手部掣人  
臂兒从手削聲引周禮輻欲其掣尔又後注捎讀爲桑螵  
蛸之蛸匠人注梢讀爲桑螵蛸之蛸釋蟲云不過螿蟻其

子婢蛸禮記月令疏引李巡云其子名婢蛸卽螻蛸月令  
螻蛸生鄭注螻蛸螻蛸母也羅願爾雅翼婢蛸所在有之  
以桑上者爲佳本草則謂之桑螵蛸

則輪雖敝不匡注匡枉也 案匡依字當作輶說文車部  
輶車戾也从車匿聲

去一以爲賢去三以爲軹釋文賢如字李胡眊反注同

案羣經音辯稱鄭衆音賢胡甸切集韻賢形甸切車大穿  
也周禮劉昌宗讀說文軹車輪小穿也从車只聲許本先  
鄭說

去一以爲骸圍注人脛近足者細於股謂之骸 案說文

骹脛也廣韻骹脛骨近足細處

萬之以眊其匡也注等爲萬夔以運輸上輪中萬夔則不  
匡刺也故書萬作禹邨司農云讀爲萬書或作矩 案萬  
夔車弓也方言車杓夔宋魏陳楚之間謂之夔或謂之箠  
籠其上約謂之笏秦晉之間白關而西謂之杓夔西隴謂  
之椿南楚之外謂之蓬或謂之隆屈郭注卽車弓也今呼  
車子弓爲夔一曰穹隆說文車部輶淮陽名車穹隆輶一  
曰隆彊釋名隆彊言體隆而彊也或曰車弓似弓曲也集  
韻八語萬所以正輪者九噓笏夔規車輞則也五經文字  
云萬與矩同見考工記本先鄭說

程園倍之注鄭司農云程蓋杠也讀如丹桓宮楹之楹  
案五經文字程音盈車蓋之杠集韻十四清楹檣程說文  
柱也引春秋傳丹桓宮楹或从羸从呈釋名釋車杠公也  
眾又所公共也又卽蚤之省與下言蚤圍合今本作又誤  
也又見後

弓鑿廣四枚注弓蓋橈也 按急就篇蓋轅俾倪扼縛棠  
顏注蓋車上蓋也橈蓋弓之施爪者也說文車部轅車蓋  
弓也从車夨聲釋名釋車橈蓋又也如屋構轅也又卽蚤  
字今作又誤說文王部瑤車蓋玉瑤漢書王莽傳造華蓋  
九重高八丈一尺金瑤師古曰瑤讀曰爪謂蓋弓頭爲爪

形蔡邕獨斷凡乘輿車皆羽蓋金華爪續漢輿服志羽蓋華爪劉昭注金華施椽末二十有八枚卽蓋弓也五經文字椽音老車蓋之弓

輿人爲之較崇注故書較作權杜子春云當爲較案古權較通釋名釋車較在箱上爲辜較也卽辜權之異文後漢靈帝紀豪右辜權漢書王莽傳辜而擢之

飾車欲侈注故書侈作移杜子春云當爲侈案臆氏注故書侈作移先鄭云當爲侈

輿人軌前十尺而策半之注鄭司農云軌謂式前也書或作軌注軌劉音犯案大馭祭軌乃飲注故書軌爲範杜

子春云軌當爲範謂車前軾也釋文軌音犯注軌同少儀祭左右軌范乃飲注軌與范聲同謂軾前也說文車部軌車軾前也从車凡聲引周禮立當前軌範範較也从車范省聲讀若犯同集韻五十五范軌或作軾

不伏其轅注故書伏作偃 案偃伏古音同釋名匍伏也伏地行也毛詩采芣傳幅逼也所以自逼速也

必緇其牛後注故書緇作黹注黹讀爲緇關東謂紂爲緇釋文黹與緇同 案說文糸部紂馬緇也緇馬紂也革部鞞馬尾鞞今之般緇方言車紂自闕而東周洛韓鄭汝穎而東謂之緇或謂之曲綯或謂之曲綸自闕而西謂之紂

釋名釋車鞞道也在後道迫使不得卻縮也集韻十八九縮鞞鞞鞞同馬紂也

是故鞞欲頤典注鄭司農云頤讀爲懇典讀爲殄案梓

人注頤小也釋文頤一音懇檀弓頤乎其至也注頤至也釋文頤音懇典殄古通詳見毛鄭詩釋

鞞注則利準注故書準作水案臬氏注準故書或作水杜子春云當爲水說文水部水準也釋名釋天水準也準平物也白虎通云水之爲言準也養物平均有準則也管子水地篇水者萬物之準也廣雅釋言水準也

良鞞環澗注鄭司農云澗讀爲澗酒之澗環澗謂漆沂鄆



如環疏先鄭讀從士冠禮澗用酒之澗也 案今士冠禮  
作醮用酒醮一作醕醕澗聲相近集韻三十五笑澗車轆  
漆也音與醮同又韞人良鼓瑕如積環疏瑕與環皆謂漆  
之文理

熊旗六游以象伐也注伐屬白虎宿與參連體而六星  
案續漢書輿服志作以象參伐

弧旌枉矢以象弧也注妖星有枉矢者蛇行有尾因此云  
枉矢蓋畫之 案續漢輿服志注引干寶注周禮曰枉矢  
象妖星非其義也枉蓋應爲枉直謂枉矢於弧與鄭義異  
葉氏爲削注今之書刀疏馬氏諸家等亦爲偃曲却刃也

案釋名書刀給書簡札有所刊削之刀也

冶氏重三垸注鄭司農云垸量名讀爲丸 案垸丸聲相近輪人注云丸漆之是也巾車注杜子春云軟讀爲漆垸之漆說文土部垸以漆和灰而髹也从土完聲小徐繫傳本作以漆和灰丸一切經音義引通俗文燒骨以漆曰垸倉頡訓詁曰垸以漆和之先鄭云量名者角人注骨入漆浣者受之以量浣卽垸之異文

戈廣二寸注戈今句子戟也或謂之鷄鳴或謂之擁頸

案方言戟楚謂之子凡戟而無刃秦晉之間謂之鈇或謂之鎮吳揚之間謂之戈東齊秦晉之間謂其大者曰鏃胡

其曲者謂之鉤鈔鏝胡郭注卽今鷄鳴句子戟鄭後注云俗謂之曼胡似此卽揚子所云鏝胡也釋名戈句子戟也與鄭義同晉東京舊事崇福門鷄鳴戟十張是晉時猶有此名故郭景純亦言之

戟廣寸有半寸注戟今三鋒戟也 案方言三刃枝南楚宛郢謂之偃戟郭注今戟中有小子刺者所謂雄戟也文選吳都賦雄戟耀芒李善引史記趙良曰干將之雄戟又子虛賦建于將之雄戟張揖曰雄戟胡中有鉅者干將所造也

桃氏爲劔臘廣二寸有半寸注臘謂兩刃釋文臘力闔反

案集韻二十九葉臘劔兩刃也鄭康成說音嶽

以其臘廣爲之莖圍注莖謂劔夾人所握鐔以上也 案  
莊子說劔篇周宋爲鐔韓魏爲夾釋文鐔音淫三蒼云劔  
口也司馬云劔珥也夾司馬云把也一本作鉞同一云鐔  
從稜向背鉞從稜向刃也說文鐔劔鼻也

鳧氏爲鐘兩欒謂之銑注杜子春云銑鐘口兩角 案說  
文金部一曰鐘下兩角謂之銑本杜說許君从賈侍中受  
學其源出於杜子春也初學記亦引杜子春云銑鐘口兩  
角或引此爲鄭注誤

篆間謂之枚注鄭司農云枚鐘乳也 案初學記鐘類引

樂汁圖徵曰君子鑠金爲鐘四時九乳宋均九乳法九州  
也是漢時有鐘乳之名

桌氏爲量注桌古文或作厯 案說文鹵部桌木也从鹵  
木其實下垂故从鹵桌古文桌从西从二鹵徐巡說木至  
西方戰桌也玉篇鹵部桌今作栗燕禮栗階檀弓作厯階  
古栗厯通用

函人眡其鑽空欲其窓也注鄭司農云窓小孔貌窓讀爲  
宛彼北林之宛 案小宛毛傳宛小貌記云鑽空空卽孔  
也故先鄭云小孔貌集韻二十阮宛委遠切說文屈草自  
覆也古作窓今詩作鬱彼北林古宛鬱通詳見禮記釋注

鮑人欲其無池也注無池謂革不麟釋文麟音虧 案集  
韻五支麟柔革平均也驅爲切余本毛本作麟是葛本作  
鞞誤

察其線注故書線或作綜杜子春云綜當爲糸旁泉讀爲  
綯謂縫革之縷釋文線思賤反注與綯同 案集韻三十  
三綯古作線亦作綯

則是以博爲較也注鄭司農云較讀爲翦謂以廣爲狹也  
元謂翦者如倭淺之淺或者讀爲羊豬菱之菱釋文沈云  
馬融音淺干寶爲殘與周易菱菱之字同亦音素干反俗  
謂羊豬脂爲膻音素干反案周禮注殘餘字本多作菱宜

從殘音 案淺翦聲相近既夕禮注翦淺也今文翦作淺  
五經文字屨音翦狹也見考工記說文𦍋賊也小徐曰兵  
多則殘也周易束帛𦍋𦍋子夏傳作殘殘古𦍋殘多通用  
廣韻二十五寒册脂肪蘇干切集韻册相干切脂肪也或  
作𦍋册與殘聲相近故或讀從之一云說文𦍋部𦍋禽獸  
所食餘也从𦍋从肉廣韻𦍋禽獸所食餘𦍋上同音殘羊  
豬𦍋謂羊豬所食之餘𦍋卽𦍋之省文於義亦通

畫積之事山以章注意讀爲獐獐山物也在衣齊人謂麋  
爲獐 案說文鹿部麋麋也从鹿囙省聲籀文作麋陸璣  
詩疏云麋麋也青州人謂之麋疏馬氏以爲獐山獸畫山

者并畫獐鄭讀章爲獐亦依師說

鐘氏染羽以朱湛丹林注元謂湛讀如漸車帷裳之漸

案古湛沈通用五經文字云湛經典或借爲沈輪人注平沈平漸也故鄭讀湛爲漸

曠氏以浼水漚其絲注故書浼作湄鄭司農云湄水溫水也疏諸家及先鄭皆以浼水爲溫水案說文水部浼財溫水也从水兌聲引周禮以浼漚其絲集韻二十四緩漢說文湯也或作湄乃管切賈疏謂諸家皆爲溫水蓋指賈馬諸儒也

清其灰而盞之注於灰澄而出盞晞之案釋詁揮盞歇



潤渴也郭注月令曰無澆陂池揮振去水亦爲竭歇通語  
郭引月令謂盞與澆通也方言盞歇潤也郭注謂渴也又  
澆極也郭注極盡也說文潤渴也廣雅渴盞潤盡也

玉人天子用全上公用龍侯用瓚伯用將注全純玉也龍  
瓚將皆雜名也公侯四玉一石伯子男三玉二石 案說  
文玉部瓚三玉二石也禮天子用全純玉也上公用驍四  
玉一石侯用瓚伯用埒玉石半相埒也將與埒形相近記  
作將疑字之譌也白虎通文質引禮王度記天子之純玉  
尺有二寸公侯九寸四玉一石也伯子男俱三玉二石也  
後鄭所說本逸禮記文

天子圭中必注必讀如鹿車繹之繹謂以紐約其中央爲  
執之以備失隊 案方言車下鐵陳宋淮楚之間謂之畢  
大車謂之綦郭注鹿車也維車趙魏之間謂之轆轤車東  
齊海岱之間謂之道軌廣雅云維車謂之歷鹿道軌謂之  
鹿車畢必古通集韻五質颺或作颺颺或作颺颺或作颺  
鞞或作鞞皆其類也釋元應佛本行集經音義纂文云必  
栗者羌胡樂器名也經文作筆築喪服外畢士喪禮記作  
繹繹與畢亦通用後漢鮑宣妻與宣共挽鹿車歸鄉里是  
漢時有此制所謂道軌也惠半農謂鹿車窄小裁容一鹿  
未免郢書燕說矣

扃上終葵首注扃網也釋文網色界反殺字之異者本或作殺案梓人凡攬網援簪之類矢人殺矢七分釋文作網又參分其長而殺其一釋文亦作網云本又作殺匠人其網參分去一大防外網弓人必動於網弓而羽網五經文字門部網色界反見考工記錢大昕曰網卽籀文殺字之譌周禮多古文故殺作殺

矢人以其筈厚爲之羽深注筈讀爲橐謂矢幹古文假借字案記云毋胡之筈注杜子春云筈讀爲橐鄉射禮注筈矢幹也釋元應般若燈論音義引字林筈箭莖也鄉飲酒禮釋文引字林筈箭筈也公但反釋名矢其體口言

挺幹也

亦弗之能憚矣注故書憚或作但鄭司農云讀當爲憚之以威之憚謂風不能驚憚箭也 案大司馬注壇讀憚之以威之憚廬人注但讀爲彈丸之彈荀子玉霸篇是憚之非變也注憚與怛同漢書司馬相如傳驚憚讐伏莊子大宗師篇勿驚怛之釋文怛驚也楚辭招魂章句憚驚也通俗文旁驚曰憚廣雅釋詁怛憚驚也憚之以威左傳昭十三年文

羽殺則趨注趨旁掉也 案說文辵部趨疾也从走臬聲大徐曰今俗別作蹠非是五經文字云趨蹠二同子到反

上見周禮

是故夾而搖之以旤其豐殺之節也注今人以指夾矢儻  
衛是也 案漢華嶽碑鳥獸率儻孫叔敖碑倡優鼓儻莊  
子在宥篇鼓歌以儻之集韻九嘆舞儻同釋名釋兵矢其  
旁曰羽齊人曰衛所以導衛矢也

橈之以旤其鴻殺之稱也注橈擗其幹 案說文角部觶  
調弓也从角弱省聲觶卽擗之正字亦調和之意

陶人鬲實五穀注鄭司農云穀讀爲斛穀受三斗元謂豆  
實三而成穀則穀受斗二升 案說文角部穀盛臙卮也  
讀若斛許本先鄭鬲部鬲鼎屬也實五穀斗二升曰穀後

鄭謂般受斗二升依許君說也

髻墜辟暴不入市注鄭司農云髻讀爲刮辟讀爲藥黃葉  
之葉暴讀爲剝元謂髻讀爲踞墜頓傷也辟破裂也暴墜  
起不堅致也釋文辟卜革反劉薄駁反踞劉音月 案說  
文藥黃木也从木辟聲辟亦从辟聲故先鄭讀从之集韻  
四覺辟器破裂也周禮髻鬣辟暴劉昌宗讀音雹釋詁毗  
劉暴樂也郭注謂樹木葉缺落蔭疏釋文暴本又作瀑同  
邦角反詩疏引爾雅作爆爍舍人云木枝葉稀疏不均爲  
爆爍玉篇肉部屨補角反皮破又蒲角切肉肤起廣韻四  
覺爍彼皮起音剝山海經西山經鳩渠可以已屨郭注謂

皮敝起音叵駁反釋元應妙法蓮華經音義爆古文敝屬  
二形同說文爆灼也謂皮散起也皆與墳起不堅致義近  
梓人外骨注龜屬 案說文龜外骨內肉也鄭本許君說  
內骨注蟹屬釋文蟹本又作蟹 案五經文字鼈易作蟹  
周禮注作蟹

仄行注仄行蟹屬 案說文虫部蟻備行者从虫蟻聲或  
作蚓古仄側通用許所據蓋賈侍中說與鄭不同

連行紆行注連行魚屬紆行蛇屬 案說文魚部鮓蟲連  
行紆行者从魚令聲

以脰鳴者注脰鳴鼃屬 案說文蚰蚘鼃詹諸以脰鳴

者从羽聲與鄭義同

以注鳴者注注鳴精列屬 案說文虺以注鳴引詩胡爲

虺蜥从虫兀聲𧈧榮𧈧蛇醫以注鳴者與鄭注異蓋亦賈  
侍中說

以旁鳴者注旁鳴蝟蛻屬 案說文蟬以旁鳴者从虫單  
聲蝟蟬也蛻寒蝟也注以爲蝟蛻說本許君

以翼鳴者注翼鳴發皇屬 案說文蟬蟬以翼鳴者从  
虫并聲賈疏謂爾雅蛟蟻蟬卽此發皇也許鄭義同

以股鳴者注股鳴蚣蟻動股屬疏七月詩云五月斯螽動  
股陸璣云幽州人謂之春箕長而青角長股股鳴者 案



說文蝻蝻蝻春黍也以股鳴者从虫松聲或作蝻與鄭說同

以胃鳴者注胃鳴榮原屬疏胃鳴馬融以爲胃鳴于寶本以爲骨鳴釋文于本作骨云敝屁屬也賈馬作胃云靈蝻也沈云作胃爲得聶音胃 案說文虫部蝻大龜也以胃鳴者从虫雋聲司馬相如說蝻作蝻从夔許君从侍中受學故依賈說作胃也爾雅釋魚二曰靈龜郭注卽今背蝻龜一名靈蝻能鳴蕭該漢書揚雄傳音義引字林云蝻龜也以胃鳴呂忱聶氏並依賈說

決吻注吻口脰也 案集韻二仙脰身曲兒驪圓切脰吻

也連員切脰有卷曲之義謂鳥之曲喙者善決物韓詩外傳所云鳥之勾喙者也

頰頰注頰長脰貌故書頰或作脰鄭司農云脰讀爲鬣頭髮之鬣 案說文頁部頰頭髮少髮也从頁肩聲引周禮數目頰脰本先鄭說也𠂔部鬣鬣禿也从𠂔間聲頰鬣音義同公羊傳襄十七年邾婁子矰卒釋文矰左氏作脰脰鬣亦聲相近後鄭訓頰爲長脰莊子德充符云其脰肩肩釋文李云羸小貌簡文云直貌頰或省作肩也

搏身而鴻注搏團也鴻傭也 案釋言傭均也郭注齊等鴻謂大而均齊矢人言鴻殺言同搏文與此同

作其鱗之而注之而頰頰也疏舊讀頰字以沽罪反謂起其頰頰劉炫以爲義無所取當爲頰頰音壺讀之於義爲尤也釋文頰許慎口忽反云禿也劉古本反李又其懇反一音苦紇反又音混 案說文頁部頰禿也从頁乞聲大徐本苦骨切而部而頰毛也象毛之形引周禮作其鱗之而集韻十四賄頰沽罪切頰高見此卽賈疏所云舊讀其義爲高起劉光伯謂義無所取是也玉篇頁部頰口本口沒二一切禿也許慎劉昌宗李軌等義並爲禿妙法蓮華經音義引三蒼云頰頭禿無毛也通俗文白禿曰頰淮南子齊俗訓親母爲其子治挖禿而血流至耳卽頰禿也鄭云

頰頰謂鱗屬頰下光滑有似頰禿也

苟撥爾而怒則於任重宜且其匪色必似鳴矣注匪采貌也故書撥作廢匪作飛鄭司農云廢讀爲撥飛讀爲匪案撥廢皆从發聲古音相近說文非从飛下敝取其相背也廣韻七尾匪非也易匪寇婚媾匪其彭虞翻並云匪非也漢蔡湛碑飛陶唐氏其孰能□□□乎隸釋云以飛爲非孔耽神祠碑天授之性飛其學也古匪非飛並通用鄭以匪爲采謂匪卽斐之段借有文采也詩有匪君子禮記大學作有斐古匪斐亦通

則必如將廢措注措猶頓也故書措作厝杜子春云當爲

措 案說文厂部厝引詩可以爲厝今詩作錯漢書地理志五方雜厝晉灼曰厝古錯字後漢梁鴻傳注引論語舉直措諸枉舉枉措諸直今論語俱作錯集韻十一莫措厝同通作錯

斗尊升也疏引少牢壘水有料則此爲尊料料酒者也疏以尊料釋尊斗注本作斗甚明彼文亦誤爲升也說文木部料勺也杓斗柄也互詳儀禮釋注

縝寸焉注鄭司農云縝籠網者縝讀爲竹中皮之縝釋文縝於貧反或九粉反劉侯犬反一音古犬反 案說文糸部縝綱紐也从糸員聲引周禮曰縝寸五經文字云縝於

貧反射連綱者見考工記劉昌宗誤讀爲絹音侯犬反鄉射禮賈疏引梓人絹寸集韻三十二霰絹射侯綱紐皆沿劉讀之誤與先鄭之音不協矣先鄭讀緝謂竹皮之筠古員均聲同毛詩景員維何傳員均又幅隕旣長傳隕均也緝从員聲筠从均聲故先鄭讀从之

則春以功注春讀爲蠶蠶作也出也 案鄉飲酒義春之爲言蠶也釋名春蠶也動而生也

毋或若女不口侯不屬於王所故抗而射女注屬猶朝會也 案大戴禮投壺引嗟爾不口侯不朝於王所故亢而射女說文矢部侯下稱其祝曰毋若不口侯故伉而射女

白虎通鄉射引禮射祝曰嗟爾不口侯爾不朝於王所以  
故天下失業亢而射爾鄭以屬爲朝會本大戴禮文抗仇  
亢古通用

唐人句兵欲無彈注彈謂掉也 案說文倕疾也从人單  
聲引周禮句兵欲無倕先鄭訓彈爲掉矢人注倕旁掉也  
說文倕疾也掉與疾義相近

是故句兵棹刺兵搏注齊人謂柯斧柄爲棹則棹隋圓也  
搏圓也 案說文棹圓槥也是棹有圓義玉篇木部棹齊  
人謂斧柯爲棹鄭音隋圓者與刺兵搏對文搏爲正圓故  
謂棹爲狹長而圓也

鼓兵同強疏可以鼓打人 案弓人注鼓拂也依字當作  
鼓說文攴部鼓相擊中也如車相擊从攴从喜大徐本古  
歷切手部拂過擊也與鄭鼓拂轉相訓廣韻二十三錫鼓  
攻也苦擊切

凡爲攴注凡矜八觚 案說文攴以杖殊人也周禮攴以  
積竹八觚長丈二尺建於兵車旅賁以先驅从又几聲文  
選西京賦竿攴之所搃畢薛綜注攴杖也八稜長丈二而  
無刃或以木爲之或以竹爲之鄭云八觚蓋漢儒舊詁也  
匠人左祖右社注祖宗廟 案續漢志注九引馬融傳社  
稷在右宗廟在左鄭言宗廟亦依師說



白盛注盛之言成也 案易繫辭傳成象之謂乾蜀才作盛公羊莊八年傳成者盛也

耜廣五寸二耜爲耦注今之耜歧頭兩金象古之耦也

案說文𠂔部引匠人耜廣五寸二耜爲耦木部耜𠂔也从木目聲一曰徒土輦齊人語或作𠂔大徐曰今俗作耜

廣尺深尺謂之𠂔注𠂔𠂔也 案說文𠂔部引周禮廣尺

深尺謂之𠂔古文作𠂔从田川田之川也篆文作𠂔从田

犬聲今周禮作𠂔古文鄭訓𠂔爲𠂔依篆文爲說也

同間廣二尋深二仞謂之澮 案說文𠂔部𠂔水流澮澮

也方百里爲𠂔廣二尋深二仞𠂔澮古今字

九夫爲井注孟子曰殷人七十而助釋文助音助 案集韻九御勸說文商人七十而勸助藉稅也或作助

善溝者水激之注激猶蓄也 案文選長笛賦秋潦激其下趾兮注引鄭元曰激齧也

堂涂十有二分注謂階前若今令壁臧也分其督旁之脩以二分爲峻也疏令壁則今之埽也臧則埽道者又名中央爲督所以督率兩旁 案釋宮瓠瓠謂之甃注甃甃今江東呼爲瓠甃說文瓦部甃瓠甃也土部壑瓠適也毛詩中唐有甃傳甃瓠甃也禮運注瓦瓠甃集韻十四皆臧堂涂引鄭康成曰若今令辟臧字一作垓史記封禪書壇三

亥徐廣曰階次也漢郊祀志作該師古曰該重也三該三重壇也音該誠讀爲該鼓之該古字通用國語衣之偏袷韋昭注袷在中左右異故曰偏莊子緣督以爲經釋文李云督中也引伸之凡物之中央曰督

車人之事半矩謂之宣注頭髮皓落曰宣易巽爲宣髮釋文皓本或作顛音同宣本或作寡亦作宣 案李鼎祚周易集解巽爲宣髮虞翻曰爲白故宣髮馬君以宣爲寡髮非也易釋文寡又作宣說文顛白兒南山四顛白首人也漢書作四皓皓顛古通蕭該漢書叙傳音義引字林顛白貌音吳楚辭吳白顛顛

庇長尺有一寸注鄭司農云庇讀爲其類有庇之庇謂耒下歧 案五經文字庇七賜反耒前曲木見考工記玉篇广部庇七漬切耕具也長尺一寸集韻五支庇耒下歧木才支切此先鄭讀也其類有庇今作泚

柯長三尺注謂今剛關頭斧柯其柄也疏漢時斧近刃皆以剛鐵爲之又以柄關孔卽今亦然故舉漢法爲况也

案毛詩破斧釋文錄一解云今之獨頭斧其剛關頭斧之類歟

渠三柯者三注渠二丈七尺謂網也其徑九尺鄭司農云渠謂車轍所謂牙 案尙書大傳大貝如大車之渠鄭注

渠車罔也文選江賦紫帆如渠注引書傳文鄭元曰渠罔也爾雅釋魚貝大者鮐郭注引書傳大貝如車渠車渠卽車朝山海經海內經韓流鱗身渠股郭注渠車朝言躡脚也廣雅轅轅朝也玉篇車部轅巨於切朝也爾雅釋木釋文引字林朝轅也轅卽渠之異文

行山者仄𨮒注故書仄爲側鄭司農云側當爲仄 案說文广部仄側傾也古仄側通用史記平準書赤側漢食貨志作赤仄漢書賈誼傳仄聞屈原兮師古曰仄古側字息夫躬傳見之仄目師古曰仄古側字也

羊車二柯有參分柯之一注鄭司農云羊車謂車羊門也

元謂羊善也 案釋名釋車羊祥也祥善也善飾之車今  
犢車是也立人象人立也或曰陽門在前曰陽兩旁似門  
也廣雅陽門蔽簷也古陽羊通周易兌爲羊漢上易引鄭  
本作陽漢綏民校尉熊君碑治歐羊尙書亦以羊爲陽  
以鑿其鉤注鄭司農云鉤鉤心高謂轅端厭牛領者 案  
釋名釋車鉤心從輿心下鉤軸也

弓人老牛之角軫而昔注鄭司農云軫讀爲軫縛之軫昔  
讀爲交錯之錯謂牛角物理錯也 案說文軫轉也从糸  
彡聲方言軫戾也郭注相了戾也廣雅軫輶轉戾也淮南  
子原道訓蟠委錯軫高注軫轉也又扶搖軫抱羊角而上

書注抄抱了戾也本經訓菱孖抄抱注抄戾也抱轉也抄  
與直對文謂角理轉戾疏云抄謂理麤是也

楚於割而休於氣釋文割乃老反本又作腦 案五經文  
字割與腦同見考工記依字當作腦說文匕部鬻頭髻也  
从匕匕相比著也𠄎象髮凶象鬻形廣韻三十一皓鬻頭  
鬻腦上同割亦同出周禮

夫角之中恒當弓之畏注故書畏作威杜子春云當爲威  
威謂弓淵角之中央與淵相當 案毛詩常棣傳威畏虞

書天明畏釋文畏徐音威康誥天畏斐忱釋詁郭注文選  
幽通賦注並引作天威古畏威通用大射儀注畏弓淵也

釋名弓簫附之間曰淵淵宛也言曲宛也說文角部鰈角  
曲中也从角畏聲畏卽鰈之段借

凡昵之類不能方注鄭司農云謂膠善戾故書昵或作機  
杜子春云機讀爲不義不昵之昵或爲黏黏也元謂機  
脂膏臚之臚臚亦黏也釋文臚呂忱云膏敗也 案今左  
傳隱元年不義不暱暱昵古通用成十三年傳暱就寡人  
釋文作昵釋言暱亟也一切音經音義引爾雅作昵釋言  
又云黏膠也郭注膠粘黏釋文黏字林云相著也方言黏  
黏也齊魯青徐自關而東或曰黏說文黍部黏也从黍  
日聲春秋傳曰不義不知以从刃作黏土部埴黏土也支



部殖脂膏久殖也釋名埴臙也黏昵如脂之臙也書禹貢  
厥土赤埴埴釋文鄭作載徐鄭王皆讀曰熾鄉射禮注古  
文臙爲載今文或作植後鄭讀臙爲臙亦聲相近也

斲目必茶注鄭司農云茶讀爲舒 案後寬緩以茶注云  
茶讀爲舒玉藻注茶讀爲舒遲之舒荀子大畧篇諸侯御  
茶注茶古舒字史記建元以來侯者年表荆茶是徵索臙  
曰茶音舒

恒角而短注鄭司農云恒讀爲紮恒之恒元謂恒讀爲恒  
恒竟也 案恒恒聲相近毛詩如月之恒釋文本又作恒  
同正義集注定本恒字作恒白孔六帖引詩如月之恒說

文衣部袷一曰背縫禕衣躬縫讀若督方言繞循謂之襍  
襍郭注衣督脊也先鄭讀从袷繩者當時有此語繩弦也  
袷縫如弦之直也深衣之負繩及踝以應直鄭注袷與後  
幅相當之縫也是言袷之直也方言繩竟也秦晉或曰繩  
或曰竟楚曰筵說文榘竟也楚辭招魂繩洞房些王逸章  
句繩竟也廣雅挺榘竟也

末應將興注末猶簫也 案鄉射禮注簫弓末也釋名弓  
其末曰簫言簫梢也

弓而羽稱注羽讀爲扈扈緩也釋文羽音戶 案羽扈同  
韻之字集韻九嘆羽緩也引周禮弓而羽稱後五切音戶

矢人五分其長而羽其一釋文羽於付反注及下同

維角定之注鄭司農云定讀如掌距之掌案說文止部

定距也

覆之而角至注至猶善也釋文作猶善云本又作善下同  
案五經文字善善上說文下石經上見周禮注是注本  
作善與陸氏所見本合

周禮釋注相考

籩人鮑魚注鮑者於福室中糗乾之出於水魚之類鮑魚  
氏易林敗魚鮑室臭不可息釋名鮑魚鮑腐也性惡乾後  
腐臭也說文魚部鮑鮑魚也从魚包聲火部煇曰火乾肉  
也从火福聲籩文作糗玉篇火部煇火乾也煇同上方言  
云凡以糗而乾五穀之類自山而東齊楚以往謂之熬關  
以西隴冀以往謂之饒秦晉之間或謂之聚鄭云糗者謂  
以火乾之賈疏謂福土爲室恐非漢制考引此注作糗余  
本嘉靖本注疏亦作糗毛本作福室誤也戴侗引唐本說  
文作差魚也  
甸祝禱牲禱馬注元謂禱讀伏誅之誅今侏大字也爲牲

祭求肥充爲馬祭求肥健 案禱誅聲相近古尤虞韻通  
楊雄國三老箴姦寇侏張魏書趙修傳侏張不已卽講張  
也論語釋文朱張鄭作侏張云陟留反

司巫及菹館注杜子春云菹讀爲鉏鉏藉也 案說文鉏  
立婦所用也集韻九魚鉏鋤助林魚切十一模苴菹鉏同  
茅藉祭也或作菹鉏九御耨鉏助藉稅也或作鉏助

弁師皆五采玉十有二注此爲袞衣之冕十二旒則用玉  
二百八十八鷩衣之冕纁九旒用玉二百一十六毳衣之  
冕七旒用玉百六十八希衣之冕五旒用玉百二十元衣

九歲用玉二百一十六侯伯七旒 玉白六十八 天子  
十七旒用玉百六十八子男四旒用玉三十二元冕天子  
四旒用玉七十二諸侯三旒用玉十八蓋因鄭圖而差等  
之

職方氏其川榮雒注榮洙水也出東垣入于河洙爲榮榮  
在榮陽波讀爲播禹貢榮播旣都 案逸周書作榮雒葛  
本注同唐石經作榮洛毛本亦作榮漠志宏農郡上雒禹  
貢雒水出冢嶺山東北至鞏入河過郡二行千七十里雒  
州川榮播詳見禹貢集釋

大行人立當前旌 案論語鄉黨邢疏引周禮作前候是

云侯伯立當前侯胡下毛詩蓼蕭孔疏引亦作前侯  
梓人大冑燿後注燿讀爲哨頤小也 案馬融廣成頤大  
冑哨後康成讀从師說